

四庫全書

子部

# 欽定四庫全書

子部

御定淵鑑類函卷四百四十二

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣張曾效

謄錄監生臣史映綠

欽定四庫全書

御定淵鑑類函卷四百四十一

鱗介部五

鼈 增 鼉 增 黿 增 魚

鼈

原爾雅曰鼈三足曰能  
說文曰鼈介蟲也  
易曰離

為鼈  
周禮曰春獻鼈蜃  
增考工記曰內骨鼈屬

埤雅廣要曰鼈甲屬也以眼聽水居陸生又鼈伏墮  
日謂墮日光所轉朝首東鄉夕首西向也又鼈之所

在必有浮沫謂之鼈津捕者以此占之 又鼈伏於淵

而剖卵於陵此思化也 又其甲以赤莧包置溼地即

化生今有齏其肉而屑之者搗莧汁沃之經旬即化為

鼈如細蠶然舉而投諸池謂之種鼈 文子曰鼈無耳

而不可蔽精於明也 淮南子萬畢術曰青泥殺鼈得

莧復生 又燒鼈致鼈

取鼈夜燒之則鼈至也

孫卿子曰跬步

而不休跛鼈千里 古今注曰鼈一名河伯從事 白

澤圖曰一足鼈池精名髮頊 酉陽雜俎曰鼈為臞數

食之可長鬚 養魚經曰魚滿三百六十則龍為之長

而引飛出水內有鼈則魚不復去故鼈名神守 韋氏

燕山錄曰煮鼈以蚊 文苑彙雋曰鼈生卵於水濱岸

傍隔岸以目望日出入觀三七而成也 原楚詞曰駟

跛鼈而上山吾固知其不能升 增崔融嵩山啓母廟

碑曰水陷溧陽有吏人之化鼈 皮日休紀曰祀彼羣

小之茸茸兮如慕臭之鼈 杜牧集曰今黃家峒賊熾

邕容兵連敗縮首不出猶鼎鼈耳 韓愈詩曰跛鼈詎

能動伊余何所擬 柳宗元詩曰已看能類鼈 盧仝  
詩曰寒龜夏鼈一種味

鼈二

增周書曰成王時長沙獻鼈 原晏子春秋曰齊大旱  
景公召羣臣問曰寡人欲祠河伯可乎晏子曰不可河  
伯以水為國以魚鼈為民彼獨不欲雨乎祠之何益  
春秋外傳曰公父文伯飲南宮敬叔酒羞鼈焉 列仙  
傳曰費長房能使社公汝南有妖常作太守服詣府門

椎鼓合郡患之及長房來知是魅乃呵之即解衣冠叩  
頭乞自改即老鼈也大如車輪長房令服太守服作一  
札敕葛陂君叩頭流涕持札遂去視之以札立陂邊以  
頸繞之而死 搜神記曰清河宋士宗母黃初中夏在  
室中浴良久家人於壁穿中窺之正見木盆中有一大  
鼈先著銀釵猶在頭上遂入水去 魏略曰高離國王  
侍婢有身王欲殺之婢云有氣如雞子來下我故有身  
後生子捐之於溷中猪以氣噓之徙馬閑馬以氣噓之

王乃令其母牧畜名曰東明常令牧馬東明善射王恐奪其國欲殺之東明走以弓擊水魚鼈浮為橋東明得渡因都王扶餘之地 增北戶錄注曰石季龍時利州谷綿縣山北溪中有鼈數千頭登岼暴田苗發軍殘毀至今鼈無頭也 唐五行志曰貞元三年潤洲魚鼈蔽江而下皆無首 玉泉子曰唐進士李詹每食鼈輒繫其足曝於烈日鼈既渴即飲以酒而烹之鼈方醉已熟矣 雲仙湘潭記曰高郢夜課於豐亭忽有一鼈在案



上視之乃石也郢異其事取十題散置箱中祝石鼈銜之以卜來事既而石鼈舉頭乃是沙洲獨鳥賦其年果以是題獲首選王仁裕玉堂閒話曰崔悅尚書家方會客夜夢十九人著青綠羅衣拜告求生既寤見甕中有水泛鼈正十九頭遂詣水次放之儆戒錄曰偽蜀

豐資院使李延福晝寢公廳夢烏帽三十人跪於堦下但云乞命驚覺僕使報門外有邨人獻鼈三十頭因悟所夢遂放之五代史補曰張澤為房知溫從事性素

嗜鼈忽暴卒經宿而活云為太山府君所追責其食鼈  
過差為羣鬼投于沸鼎中支解烹飪亦如治鼈之狀既  
熟為諸鬼分噉其慘毒痛苦名狀所不及如此近數十  
度府君始恕之且問曰汝受諸苦敢再犯乎答曰不敢  
始令遣歸 又南唐僧謙光有才辯而無拘檢性尤嗜  
鼈國主常以從容語及釋氏果報對曰老僧無他願但  
得鷺生四隻腿鼈著兩重裈足矣國主大笑 程史曰  
虞雍公允文以西掖贊督議既却逆亮于采石還至金

陵謁葉樞密義問於玉帳因留卯飲酒方行警報皆至  
蓋亮將改圖瓜洲坐上皆恐葉酌卮醪以前曰舍人威  
名方新士卒想望勉為國家卒此勲業雍公受卮起立  
曰某去則不妨然記得一小話敢為都督誦之昔有人  
得一鼈欲烹而食之不忍當殺生之名乃熾火使釜水  
百沸橫篠為橋與鼈約曰能渡此則活汝鼈知主人以  
計取之勉力爬沙僅能一渡主人曰汝能渡橋甚善更  
為我渡一遭我欲觀之僕之此行無乃類是乎 西湖

志曰宋咸淳壬申七月有梢人泊舟西湖斷橋下時暑  
熱臥於舟尾中夜不寐見三人長不盈尺集於沙際一  
曰張公至奈何一曰賈平章非仁者決不相恕一曰我  
則已矣公等及見其敗也相與哭入水中次日漁者張  
公于橋下獲一鼈徑二尺餘納之賈府不三四年賈敗  
蓋數定莫逃物能前知如此 說寶曰弘治間太倉州  
夏月有百姓道見漁者持一鼈而三足買令婦烹之既  
熟呼婦共啗婦不欲食坐門外良久不聞其夫聲入視

只存髮與衣服在地上驚怖號哭里甲聞之以婦謀夫  
訴官知州黃庭堅莆田人鞠得其情信為異物或然召  
漁者捕三足鼈得之即於廳上令婦烹治出重囚食之  
食畢引入獄及門已化盡矣所存衣髮皆與百姓同遂  
宥婦罪

### 鼈三

增三足

九肋

山海經從山多三足鼈又爾雅注吳興郡陽羨縣君山上有池池中出三足鼈

撫言盧肇袁州人初赴舉先達問袁州出舉人耶答曰正如沅江鼈甲九肋者稀

大腰  
穹

脊

埤雅天地之性大腰純雌龜

鼈之屬下見下有羣注

有羣

無耳

爾雅翼曰鼈卵

生形圓穹脊四周有羣食物本草無羣而頭足不縮者名納鼈下詳龜一文子

赤腹

白

目

食物本草大如錢腹赤如血者名朱鼈出南海養生雜纂六甲日弗食鼈鼈有四目者獨目者白目者

養

赤足者三足者腹下有字王字天字者頷下有軟骨如龜形者頭足不能縮者目陷凹者皆不可食也

吐珠

挾彈

食物本草口中吐珠者名珠鼈埤雅鼈珠在足下見水族加恩簿

長沙

貢

潁水亡

王會篇長沙黃鼈注特大而美故貢也韓非子鄭縣人乙之妻之市買鼈而歸過

潁水以為渴也因縱而飲之遂亡其鼈

在山上

放溝中

埤雅在山上者名旱鼈有

毒能殺人

括異志宋傅慶中家得一大鼈其婢放之溝中年餘婢病將卒夜鼈被泥登婢胸冰之遂愈

解怒

補陰

闕子曰義渠之人烹鮑鼈不熟臊穢腥臭中國之人雖飢餓三日不啓口至死不食

也吳章莊吉受而和之病人食之為體輕萬乘食之為之解怒吳章莊吉之調存也三元參贊鼈居水底性

甚冷肉能補陰又能補氣也

影伏

思生

酉陽雜俎甲蟲影伏內典鼈思生

能

飛躍

使跳梁

拾遺記容山下有水多魚鼈皆能飛躍雅俗稽言教鼈舞者燒地置鼈于上

忽抵掌使其跳梁既慣習雖冷地聞拊掌亦跳梁

把箸笠

渡篠橋

蔣光錄黃德瓌

家人烹鼈將箸笠覆其釜揭見一鼈仰把其笠背皆蒸爛然頭足猶伸縮家人愍之放河涇間後因患熱將殆德瓌徙於河邊屋中將養夜有一物徐徐上身覺甚冷及曙檢視胸臆悉塗淤泥其鼈在上三顧三曳而去即日病瘥下

詳鼈二程史

畏馬溺

應鼈鳴

瑣碎錄方革食鼈并食莧自是苦腹痛作

時幾不知人疑鼈覓所致乃以二物令小蒼頭食之蒼  
頭遂得疾與革類而委頓尤甚未幾遽死并屍置馬廐  
未殮也忽小鼈無數自九竅湧出散走廐下惟遇馬溺  
者輒化為水革聞自臨視掎聚衆鼈以馬溺灌之皆即  
為水於是革飲馬溺遂瘥或云白馬  
溺尤良 易林鼈鳴岐野鼈應於泉 蛇化鼈形 頷

如龜狀

雅俗稽言五月後鼈有蛇化者誤食殺人試法  
懸一足足漸長垂下者即蛇化也 下詳白目

注

昂首長吁

叩頭流血

野記皋橋開酒肆人張海  
買鼈數頭投于釜中湯已

三四沸矣海以為糜爛啓釜視之鼈昂首視海長吁數  
聲海大怪急擲於河中數鼈游行蹣跚而去 下詳鼈

二列仙傳

金丸丞相

裙襴大夫

上見後水族加恩簿  
陶穀清異錄晉祠小池

畜老鼈大如食盤不知何人題於前闌柱曰  
裙襴大夫烏衣開國何元美後失鼈所在



# 鼈四

原怒小

國語公父丈伯飲南宮敬叔酒路都父怒鼈小曰長而食之遂出文伯母曰聞祭養尸享賓鼈

於何有而使夫人怒

食雛

不食雛鼈注謂伏乳也

冬擗

莊子閱休冬則擗鼈于江刺取

之

春獻

周禮

實蓼

濡鼈醢醬實蓼注濡烹也

得莧

復生

元物

介蟲

詳說文

不為禮

居山者不以魚鼈為禮

不中殺

禮魚鼈不中殺不驚

於市

掌籍

周禮鼈人掌凡邦之籍事

去醜

禮鼈去醜注醜竅也

咸若

書鳥獸魚

鼈咸

神化

左傳堯殛鯀鯀於羽山其神化為黃熊入于羽淵熊三足鼈

水煩不大

禮水煩則

水潦不獻

禮水潦降不獻魚鼈注謂多也

鼈五

原賦晉陸機鼈賦曰皇太子幸於釣臺漁人獻鼈命侍  
臣作賦其狀也穹脊連脇黝甲四周遁方圓于規矩徒  
廣狹以妨循盈尺而脚寸又取具于指掌鼻嘗氣而忌  
脂耳無聽而受響是以栖居多逼出處寡便尾不副首  
足不運身於是從容澤畔肆志汪洋朝戲蘭渚夕息中  
塘越高波以燕逸竄洪流而潛藏咀蕙蘭之芳芬翳華  
藕之垂房 潘尼鼈賦曰皇太子遊於玄圃遂命釣魚

有得鼈而獻之者令侍臣賦之翩銜釣以振棹吁駭人  
而可惡既顛墜于巖畔方盤跚而雅步或延首以鶴顧  
或頓足而鷹距或曳尾於塗中或縮頭於殼裏若乃秋  
水暴駭百川沸流有東海之巨鼈乃負山而吞舟

增令宋毛勝水族加恩簿令曰甲坼翁挾彈於中巧也  
負擔於外禮也介冑自防不問寒暑智也步武懦弱不  
踰規繩仁也故前以擐甲尚書榮其跡顯其能宜授金  
丸丞相九肋君

龜一

增埤雅廣要曰龜大鼈也鼈以為雄故龜鳴而鼈應  
又曰龜亦卵生而伏影顏籀稽聖賦龜鼈伏乎其陰是  
也爾雅翼曰龜之大者濶或至一二丈天地之初介  
潭生先龍先龍生元龜元龜生靈龜靈龜生庶龜凡介  
者生於庶龜龜者介蟲之元也廣雅曰海龜大一畝  
重千鈞正字通曰龜鼈類青黃色腸屬於首卵大如  
鴨子一產一二百枚好曝其腹於江岸漁人接竹以掣

之倉卒不能自反為所制其脂磨鐵則鳴 古今注曰

鼃一名河伯使者 淮南子曰鼃脂得火可以燃鐵

又曰埳井之所無鼃鼃隘也 又川谷通源積水重淵

鼃之所使也人入之而畏 魏子曰鼃得水則生虎豹

得水則死 錄異記曰鼃其狀如鼈腹下赤者為鼃白

者為鼈俗云鼃之身有十二屬肉漁人捕得之雖支分

齧解隨其巨細未入湯鑊者皆能跳走鼈與鼃雖至大

者如蚊蚋嗜之一旦乃死 梅堯臣詩序曰廟子灣屬

雍丘風俗云有白鼃憑險日為波潮以驚異上下楚辭曰乘白鼃兮逐文魚

鼃二

增拾遺記曰禹濟巨海鼃鼃為梁抱朴子曰在頭水有大鼃常在深潭號為鼃潭能作魅行病有戴道炳者能視見之以越張封泥遍擲潭中良久有大鼃徑長丈餘浮出不敢動乃格殺之而病者立愈又有小鼃出列死於渚上甚多存心錄曰吳孫皓寶鼎中丹陽宣蹇

母年八十因浴化為黿兄弟閉戶衛之掘堂上作一池  
實水其中黿入池遊戲二日常引頸外望伺戶小開  
便輪轉自躍入于遠潭遂不復還 宣州志曰天寶七  
載宣州江中黿出虎搏之黿齧虎二創虎怒拔黿頭而  
虎創甚亦死 原化記曰韋丹未第時於洛陽中橋見  
漁者得一大黿長數尺繫之橋柱引頭四顧有求救之  
意丹以乘驢贖之放於水中徒步而歸後數日詣葫蘆  
生問命生與共往元長史家有老人元濬之向韋盡禮

款待中出文字一通授之曰此公一生官祿行止聊報活命之恩即此龜也 孔帖曰近有漁人泊舟馬當山

下月明風恬見一大龜出水直上山頂四望頃之江中湧出一彩舟內有十餘人飲酒張樂陳設甚盛獻酬久之上流有巨艦東下櫓聲振於坐中彩舟乃沒前龜亦下未及水忽死於岸側意者水神使此龜為望候不知艦來致沒彩舟故殛之 宋史曰乾道七年洞庭有巨龜走沙擁舟廣長皆丈餘升舟以手足壓重艦沒水



避暑錄話曰元豐間有監黃河埽武臣射殺埽下一黿  
未幾死而復甦云為黿訴於陰府力辨黿數敗埽以其  
職殺之故得免 雲濤小說曰金陵上清河一帶善崩  
明太祖患之皆云猪婆龍窟於下故爾時工部欲聞於  
上然疑猪犯國姓輒駕稱太白黿為害上惡同元字因  
命漁者捕之殺黿幾盡先是漁人用香餌引大黿凡數  
百斤一受釣以前兩爪據沙深入尺許百人引之不能  
出一老漁諳黿性命於其受釣時用穿底缸從綸貫下

覆其面鼃即用前爪搔缸不復據沙引之遂出金陵人乃作語曰猪婆龍為殃癩頭鼃頂缸言嫁禍也

鼃三

增飲江

攻岸

蘇軾李氏潛珠閣銘因石阜以庭宇跨飲江之鼃鼃山堂肆考鼃極有力善

攻岸人以鉤索釣之鼃吞釣任其曳舟而走俟其力盡乃得之

致鼃

齧虎

淮南子燒鼃致

鼃此以其類求之下詳鼃二宣州志

鳴野

浮水

易林鼃鳴于野鼃應于泉類書鼃大于

鼃朔望隨月浮水月沈則沒此屬陰也

連脇

癩頭

正字通其形穹脊而連脅其勢踞洲

渚而擊奔流具跼然之質山堂肆考鼃頭疣搭名曰癩

南人食

君子得

爾雅翼鼃

大子鼃南人亦捕食之 璅語范獻子獵占之曰  
君子得鼃小人遺冠獻子獵而不得遺其豹冠

### 鼃四

原為梁

紀年周穆王四十七年東至於九江比鼃鼃以為梁而履之矣

染指

楚人獻鼃于鄭

靈公公子公之食指動謂子家曰必嘗異味及宰夫將解鼃食大夫不與子公子公怒染指于鼎嘗之而出

互物

甲蟲之屬

狸物

周禮鼃人掌取互物以時簪魚鼃蜃凡狸物注簪初捉切謂以杖刺取狸

物狸謂鼃藏于泥中

有司取

月令九月令有司登龜取鼃注甲蟲秋乃堅成九月方可取之

黃河生

黃河中舊不生鼃忽有得者佛圖澄曰桓溫入河其不久乎溫字元子果如言也

古

治殺

晏子春秋古治子曰君濟于河鼃銜左驂以入砥柱治潛行得鼃殺之左操馬尾右挈鼃頭以出

黃氏化

江夏黃氏母浴化而為鼃入于深淵後時出見簪猶在首

鼃五

增令水族加恩簿令曰爾甘鼎調鼎之材嚙舌潮津宜封醉舌公

鼃一

增說文曰鼃水蟲狀如守宮長一二丈文五色背毛皆有鱗甲如鎧 本草曰口內涎有毒長一丈者能吐氣成霧致雨力至猛能攻陷江岸性嗜睡恒閉目聲甚可

畏人于穴中掘之百人掘亦須百人牽一人掘亦須一人牽不然終不可出 又曰極難死沸湯沃口入腹良久乃剝老者多能變化為邪魅 埤雅廣要曰鼉具十二肖肉蛇肉最後在尾其枕瑩淨魚枕弗如皮中冒鼓夏小正九月剝鼉以為鼓也 又詩云鼉鼓逢逢先儒以為鼉皮堅厚取以冒鼓故曰鼉鼓 又晉安海物記云鼉宵鳴如桴鼓今江淮之間謂鼉鳴為鼓亦或謂之鼉更以其聲逢逢然似鼓而又善夜鳴其數應更如初

更一鳴而止二即再鳴也 又鼃欲雨則鳴故里俗以  
鼃識雨 廣志曰鼃魚有四足尾如蜥蜴而大南方嫁  
娶必得食之 續博物志曰鼃長一丈一名土龍鱗甲  
黑色能橫飛不能上騰 趙辟公雜說曰鼃聞鼓聲則  
鳴 潛確類書曰鼃小於黿向日吐水日沈則沒此屬  
陽也

鼃二

增呂氏春秋曰帝顓頊令飛龍作八風之音以祭上帝

乃會為樂倡鼉乃偃寢以擊其尾搜神記曰滎陽張福船行夜有女子乘小舟來投福云日暮畏虎不敢夜行福戲調之遂同寢中夜月照乃見一白鼉枕福臂而臥福驚起鼉便去乘船乃枯槎也支僧載外國事曰私可條國全道遼山有毗呵羅寺寺中有石鼉至靈眾僧餘食欲盡寺奴輒向石鼉作禮于是食具許氏志怪曰沙門竺僧瑤得神符尤能治邪廣陵王家女病邪召瑤治之瑤入門瞋目大罵老魅不守道敢干犯人女

在內大喚云人殺我夫鬼在側曰吾命盡于今此神也  
不可爭旁人共聞之於是化為老鼃走出中庭瑤撲殺  
之 吳志曰孫亮初公安有白鼃鳴謠曰白鼃鳴龜背  
平南郡城中可求生守死不去求無成明年諸葛恪敗  
弟融鎮公安被收融刮金印龜背一服而死 文選注  
曰郭璞睡時人見變鼃形云是鼃精 幽明錄曰宋高  
祖永初中張春為武昌太守時有人嫁女未及升車忽  
失性出外毆擊人云已不樂嫁俗人巫云是邪魅乃將



女至江際擊鼓以術咒治療春以為欺惑百姓勒其必  
獲妖魅後有一青蛇來到坐所即以大釘釘其頭至日  
中復有大龜從江來伏於巫前巫以朱書龜背更遣入  
水至暮有大白鼉從江中出乍沈乍浮向龜從後催逼  
鼉至先入幔與女辭訣女慟哭云失其姻好自此漸差  
或問巫曰魅者歸於何物巫云蛇是傳通龜媒人鼉是  
其對三物悉是春始知其靈驗 本草曰梁周興嗣常  
食鼉肉後為鼉所噴便為惡瘡此物靈強不可食也

獨異志曰燉煌李鵠開元中為邵州刺史挈家之任泛  
洞庭時晴景登岸因鼻衄血沙上為江鼃所舐俄然復  
生一鵠與之無異鵠之本身為鼃法所制繫於水中其  
家奉妖鼃就任為郡幾數年因天下大旱道士葉靜能  
自羅浮奉詔過洞庭忽沙中見一人面縛問之鵠以狀  
對靜能為符書巨石上石即飛起空中鼃妖方擁案晨  
衙為巨石所壓乃復本形時張說為岳州刺史具奏并  
以舟楫送鵠赴郡家人妻子乃信故今舟行者不敢瀝

血波中 唐書曰上元二年有鼉集揚州城門節度使  
鄧景山以問族弟珽對曰鼉介物兵象也未幾宋州刺  
史劉展反 傳奇曰貞元中有湘媪常以丹篆救人病  
一日告鄉人曰往洞庭救數百人性命至洞庭前一日  
有大風濤感一巨舟泊一島上而碎所載近百人各星  
居於島上忽有一白鼉長大餘遊於河上數十人搗殺  
之分食其肉明日有雪城圍島漸窄如束其廣不三數  
丈岳陽人亦遙望雪城莫能曉也媪登島飛劒刺之白

城如一聲霹靂遂崩乃一大白鼉長十餘丈蜿蜒而斃  
媼乃劉綱妻樊夫人也 猗覺寮曰宣和己亥都城北

小民家晨起見一物如龍伏牀下大驚都人競往觀之  
禁中取驗之乃鼉也杖殺之已而大水數年有金人之  
禍 國獻家猷曰南都上河地明初江岸常崩蓋猪婆  
龍于此搜挾故也以與國姓同音嫁禍于鼉及下令捕  
鼉盡而崩岸如故有老漁曰當炙犬為餌以甕通其底  
貫釣緡而下之所獲皆鼉老漁曰鼉之大者食犬即世

之所謂猪婆龍也

魚一

增爾雅曰魚有力者微魚枕謂之丁魚腸謂之乙魚尾  
謂之丙 說文曰魚水蟲也魚尾與燕尾相似 易曰

貫魚以宮人寵

正字通魚行有甲為之長衆  
魚從之駢頭相次如貫然

原詩曰

南有嘉魚蒸然罩罩 又曰魚潛在淵或在于渚 又

曰魚在在藻 月令曰立春之日魚上冰 增家語曰

水至清則無魚 呂覽孔子曰魚游乎濁而食乎濁

六韜曰緡隆餌重則嘉魚食之緡調餌芳則庸魚食之  
國策曰君不聞大魚乎網不能止釣不能牽蕩而失  
水則螻蟻得意焉原莊子外篇曰朽瓜化為魚物之  
變也符子曰觀於龍門有一魚奮鱗鼓鬣而登乎龍  
門而為龍又一術士凌波蹈流而不陷搖鈴行歌飄浪  
於龍門而終日棲遲而不化彼同功而事異迹一而理  
二夫何哉無乃魚以實應而人以偽求乎列子曰終  
髮之北有溟海魚廣千里其長稱焉增又吞舟之魚

不游枝流 淮南子曰水濁則魚噞 又欲致魚者先  
通水水積而魚聚 又為魚德者非挈而入淵從其所  
之而已 又天之且雨也陰暄未集而魚已噞矣 又  
使水濁者魚撓之 孫綽子曰海人與山客辨其方物  
曰橫海有魚額若華山之頂一吸萬頃之波 庚桑子  
曰夫尋常之溝巨魚無所還其體而鯢鮪為之制 論  
衡曰釣者刻木為魚丹漆其身迎水浮之水動作魚似  
真真魚並來 玄中記曰東海有大魚焉行海一日逢

魚頭七日逢其尾產則三百里為血 養生經曰魚勞則尾赤 陰陽變化論曰魚不見水 採蘭雜志曰蚊投水中能化小魚小魚不獨魚子生也 物類相感志曰魚瘦而生白點者名虱用楓樹皮投水中則愈 又魚始雷頭向下未驚蟄頭皆向上 蠡海集曰魚目晝夜不瞑因知其為陰物而得陽多者也祭禮皆薦生而魚獨槁者魚乃水族陰之屬也槁之則為陽陽以致陰之謂也 後山談叢曰魚行隨陽春夏浮而遡流秋冬



沒而順流漁者隨其上下出沒而取之 席上腐談曰

魚逆水而上取其鱗之順也 志林曰僧謂魚為水梭

花 文昌雜錄曰漁家以猢猻毛置之網四角則多得

魚云魚見之如人之見錦繡也 避暑錄話曰浙東溪

水峻急多灘石魚隨水觸石皆死故有溪無魚土人往

往以陂塘養魚魚初生時謂之魚苗投于陂塘不三年

長可盈尺 北戶錄曰南海諸郡人至八九月於池塘

間采魚子著草上懸於竈煙下至二月春雷發時却收

草浸於池塘間旬日內如蝦蟆子狀鬻于市號魚種育

池塘間一年內可供口腹也 詞林海錯曰江海間魚

遊必三如媵隨妻先一後二人謂之婢妾魚 楚辭曰

魚鱗鱗兮媵予 曹植說曰疲氣鹹水之魚不遊于江

淡水之魚不入於海 韓愈文曰江魚不池活 古樂

府緩聲歌曰思東流之水必有西上之魚 原爾雅鯉

今之赤 鱸今江東呼 鰻今偃 鮎別名 鮓大 鱖小者 鮠

鯉魚 鮠為黃魚 鮠白魚 鮠 鮠 鮠 鮠 鮠 鮠 鮠 鮠 鮠 鮠

或鮠之大者曰鮠 鮠小魚 魚子未 鮠魚 鮠大者謂之鮠

或鮠之大者曰鮠 鮠小魚 魚子未 鮠魚 鮠大者謂之鮠

似鮎四足聲似小兒 增又鰓大鯛小者鮎

音脫

又銀

魚身圓如筋潔白無鱗目兩點黑 爾雅翼曰鯨從京  
大也海岸有獸曰蒲牢聲如洪鐘而性畏鯨鯨躍擊之  
鳴聲聞五里故鑄鐘以蒲牢形其上斷撞為鯨形天子  
出而擊之東都賦曰發鯨魚鏗華鐘是也 又鮎言其  
黏滑與鰓鮎之類皆謂之無鱗魚又曰腹俱大者曰鰓  
背青口小者名鮎背黃腹白名鮎 又鰓四足如鼉長  
二丈餘喙三尺長尾而利齒其尾有涎如膠掉以取物

其形或黑黃蒼白 又鰕魚鱗鬣皆圓黃質黑章皮厚而肉緊特異常魚夏月盛熱時藏石罅中人即而取之其斑文尤鮮明者雄也稍晦昧者雌也漁者以索貫一雄置之溪畔羣雌來齧拽之不捨掣而取之常得十數尾凡魚無肚不嚼鰕魚有肚能嚼 爾雅注曰比目魚狀似牛脾紫色鱗細一眼南人謂之鞋屨魚江淮謂之拖沙魚亦謂之箸葉魚 又鰼魚似鮎四脚前似獼猴後似狗大者長八九尺 說文曰鰼日南魚名也狀似

蜥蜴嘗水中潛伏吞人即浮 又鯊飲而不食子多而  
肥夏初曝乾可以致遠 字林曰鰻魚出南海頭中有  
石一名石首鰻可作膠 原毛詩義疏鮆魚出海三月  
從河上來今鞏縣東洛度北崖上山腹有穴舊說此穴  
與江湖通鱸鮓從此穴而來入河鮓似鱸而色青黑頭  
小而尖如鐵兜鍪口在頷下大者七八尺益州人謂之  
鱸鮓大者王鮓小者叔鮓一名鮓肉色白今東萊遼東  
人謂之尉魚或謂之仲明者樂浪尉也溺死海中化為

此魚鱗似魴而大頭魚之不美者故語曰買魚得鱗不

如啖茹徐州謂之鯁

里然反

魛沙

魚吹沙也似鯽魚狹小

嘗張口吹沙也一名重唇鯿魛鯿

嘗

魚一名揚今黃頰

魚正黃魚之大而有力者魚狸背上有斑文腹下純青

今以飾刀韃步叉也海水將潮及天將雨毛皆起潮還

天晴毛則復常千里外知海潮也 廣志曰武陽小魚

大如鍼號一斤千頭蜀人以為醬 陶弘景本草曰鯉

最為魚中之主形既可愛又能神變乃至飛越山湖所

以琴高乘之又鯉魚鮓不可合小豆藿食害人又發諸

瘡鱧魚一名鮡

除蒙反

味甘無毒主除水氣面大腫及五

痔鮠魚味甘大溫無毒云是芹根變作又曰是人髮所

化作臙食之甚補鮑魚味辛無毒主逐委麗腕折瘀血

鰓

蒲角反

魚治青盲失精鰻

莫干反

鱺

力奚反

魚味甘形似鮠

能緣樹食藤花取作脯食之增本草曰鯽魚一名鮒

魚形亦似鯉色黑而體促腹大而脊隆所在池澤皆有

之又鮎魚大者能吞蛇圖經曰鮑魚形類鱖魚生

溪中極臭額旁有骨名乙長尺許青魚頭中有枕蒸令  
通氣曝乾狀如琥珀可以作器皿膽可點目 又鯉魚  
脊中鱗一道每鱗上皆有小黑點從頭至尾無大小皆  
三十六鱗 瑞應圖曰比目魚者王者明德則見 南  
史曰林邑國於城溝中養鰐魚有罪者以餒鰐不食為  
無罪三日乃放之 北史曰真臘國有魚名建同四足  
無鱗鼻如象吸水上噴高五六十丈有浮胡魚形似鮐  
背如鸚鵡有八足多大魚半身出望之如山 又漕國



在蔥嶺之北漢時劇賓國也蔥嶺山有順天神祠前有一魚脊骨有孔中通馬騎出入宋史曰錢唐江有五色魚鯽首鯉身荀子曰儵鉢者浮陽之魚也肱于沙而思水則無逮矣注肱去也抱朴子曰南陽丹水出丹魚常先夏至十日夜伺之魚浮於水赤光上照赫然如火網取之割其血以塗足可步行水上如履平地

崔豹古今注曰鯉之大者曰鱣鱣之大者曰鮪白魚雄者鮪魚子好羣浮水上名白萍又兗州人呼赤鯉為

赤驥青鯉為青馬黑鯉為黑駒白鯉為白騏黃鯉為黃  
雉 又鯨大者長千里小者數丈一生數萬子常以五  
六月就岸生子至七八月導引其子還大海中鼓浪成  
雷噴沫成雨水族驚畏一皆逃匿莫敢當者 原魏武  
四時食制曰鱣魚大如五斗奩長丈口在頷下常三月  
中從河上常於孟津捕之黃肥惟以作鮓淮水亦有  
增又東海有大魚如山長五六里謂之鯨鯢次有如屋  
者時死岸上膏流九頃其鬚長一丈廣三尺厚六寸瞳

子如三升碗 又望魚側如刀可以割草出豫章 又

斑魚頭中有石如珠出北海蒲魚其鱗如粥出郫縣髮

魚帶髮如婦人白肥無鱗出滇池蕃躑魚如鼈大如箕

甲上邊有髯無頭口在腹下尾長數尺有節有毒螫人

鰩魚黑色大如百斤猪黃肥不可食數枚相隨一浮

一沈蕭折魚海之乾魚也郫縣子魚黃鱗赤尾出稻田

可以為醬 原山海經曰鰕厥衛反魚大口而細鱗有斑

彩與昭反鰕魚狀如鯉魚身鳥翼蒼文白首赤喙常從西

海遊於東海以夜飛音如鸞見大穰何羅魚一首而十

身其音如犬吠食之已擁鮎

諸

魚身大首音如嬰兒食

之已狂珠鼈如肺而有目六足有珠鱖

市應反

魚狀如鮒

虱毛其音如豚見則天下旱薄魚其狀如鱸而一目其

音如歐

如人嘔吐聲

見則天下反鯢魚赤目赤鬣者食之殺

人鮫

陵

魚背腹皆有刺如三角菱

增又駝

規

山多飛

魚其狀如豚而赤文有角服之不畏雷霆亦可禦兵鰐

鰐之魚狀如鵲而十翼鱗在羽端其音亦如鵲可以禦

火食之已瘳鱖魚狀如雞而赤色三尾六足四目其音

如鵲食之已憂鮮魚狀如鼈魚尾二足其音如羊食之

益明髯鱖魚蛇首六足其目如珠食之不寐佩之禦凶

修辟之魚狀如鼃而白喙其音如鴝食之已癰鰮魚之

魚狀如鯉而六足鳥尾其鳴自呼鱉魚狀如牛陸居蛇

尾有翼其羽在鮐下其音如牛聲冬死而夏生食之已

腫又浮玉山北望具區苕水出其陰中多魴魚形狹薄而

長鬚又名刀魚形如刀也太湖中饒之

原水經曰海鰮

且由反

魚長數千

里穴居海底入穴則海水為潮出穴則水潮退出入有

節故潮水有期 增又鮪出鰓穴

直穴有渚謂之鮪渚

又武陵

猥縣長楊谷中有石穴水中有神魚大者二尺小者一

尺居民釣魚先陳所須多少拜而請之拜訖投釣餌得

魚過數者水輒波湧暴風卒起樹木摧折 又隴阪汧

水東北流歷澗注以成潭漲不測出五色魚俗以為靈

而莫敢採捕因謂是水為龍泉水 又扶南象浦源潭

湛瀨有羣魚色黑身五丈頭如馬首伺人入水便來為

害 又魚復溪中有魚其頭似羊豐肉少骨美於餘魚

原吳錄曰錯

一作鰕

魚子生後朝出索食暮皆入母腹

中

酉陽雜俎出從口入從臍

吳地志曰石首魚至秋化為冠鳧冠

鳧頭中猶有石也

南越志曰鱣鰐

子林反

屬也長鼻軟

骨

埤雅廣要俗謂之玉板江東謂之黃魚

長數丈而骨可啖似黃鮓而長

鰕魚左右如鐵鋸三牙魚似石首或曰雄石首鰕魚肥

美有餘土人重之

南越記曰天牛魚方圓三丈眼大

如斗口在脅中露齒無脣兩肉角如臂兩翼長六尺尾

長六尺 廣州記曰魴魚廣而肥甜魚之美者也鯨鯢  
長百丈大亦稱之雌曰鯢雄曰鯨目即明月珠死不見  
有眼睛而噴浪翳於雲曰 臨海異物志曰比目魚似

左右分魚南越謂之板魚

亦曰左介  
介亦作鮓

人魚似人長三尺

不可噉 增又鰲似烏賊而肥炙食甘美鰲魚至肥炙

食鮮美諺曰寧去累世宅莫去制魚魚額印魚脊鱗形如  
鰈魚額上有文如印章琵琶魚無鱗形如琵琶鳶魚狀  
鳶唯無尾足陰雨日亦飛高數丈并魚頭有兩角鰓魚



如指長七八寸但有脊骨好作筭大者如竹竿曝作燭  
極有光明 異物志曰鮫魚皮可以飾刀其子驚則入  
母腹中 原又鹿魚頭上有兩角如鹿 增又吹沙長  
二寸許背上有刺螫人 又南方鏡魚圓如鏡 原南  
方草木狀水猪魚似猪形 增太康地記曰武昌南湖  
通江夏有水產鮒魚長三尺 永嘉郡記曰樂城縣三  
原亭去郡百二十里溪水清如鏡昔有得一死鮎者鬻  
大五六圍一鬻輒得數十斛鮓 桂海蟲魚志曰嘉魚

狀如小鮠魚多脂味極腴美出梧州大山人以為鮓餉  
遠蝦魚出灘水肉白而豐味似蝦而鬆美竹魚出灘水  
狀似青魚味如鰕魚 岳陽風土記曰啞津在白荆堤  
側歲壞邦人方完築忽有大鯉魚躍其中役夫殺食之  
往往皆死瀕江漁人不以魚之長大為奇怪但釣網不  
能制者皆殺之不知何也岳州人最重鯉魚每得之瀹  
以皂角水少許鹽漬之即食味甚甘美 臨海水土記  
曰槌額似鰕魚長四尺黃靈魚小文正黃似石首寄度

魚長三寸似白魚鮓魚三月生溪中裁長一寸至十月  
終東還歸於海香氣聞於水上到時月輒復更生伏念  
魚似沙魚鮓鰭形似鰭魚戲於重川靡有定所土奴魚  
頭上如虎有刺螫人 益部方物略記曰鮓魚出西山

溪谷及雅江狀似鮓大首長尾其啼如嬰兒緣木弗墜  
蜀人養之嘉魚出興州大丙小丙山石穴中今雅州亦  
有之鯉魚鱗鱗蜀人甚珍其味鯪魚出蜀江比鯪則大  
背鱗黑而膚理似玉為鱠味美黑頭魚形若鯪黑首白

腹修體短額長者及尺出嘉州歲二月則至惟郭璞臺  
前有之里人欲怪其說則曰璞著書臺上魚吞其墨故  
黑云沙綠魚魚之細者生隈瀨中狀若鰩大不過五寸  
有駁其文美味蜀人珍之石鼈魚狀似魷魚而小上春  
時出石間庖人取為奇味 嶺表錄異曰全義嶺之西  
南靈水溪內有魚皆修尾四足丹其腹狀若守宮游泳  
自若漁人不敢捕之 又海鰩魚海上之至偉者也小  
者亦千餘尺一海船過南海見有山阻東海濤險而急

又見十餘山或出或沒初甚訝之篙工曰非島鰩魚背也果見雙目閃爍鬚鬣若簸米箕日中忽雨露霖舟子曰此鰩背噴氣水散於空風勢吹來若雨耳 南雍州記曰襄陽古井內一魚無肉惟骨相連耳 永州記曰鰩魚大者數丈善食人一生百卵及成形則有為蛇為龜為蛟者甚靈 交州記曰鰩好出沙上卵大如鵝卵可食 寰宇記曰有人往林邑於海嶼上得鯨頭骨如數百斛困頂上一孔大如甕俗以為珠穴 方輿勝覽

曰丙穴在巴郡明通縣井峽中其穴凡十其中產嘉魚

任豫益州記蜀山謂之拙魚

其出也止於巴渠龍脊灘首有黑點謂

照映星象相感而成身長細鱗肉白如玉其味自鹹蓋

食鹽泉也 華夷志曰海中大魚口可容舟名曰摩竭

雜寶經佛言如意珠者是摩竭大魚口中出

一統志曰鰐大盈丈腹有洞

貯水以養其子奉化縣靈濟泉深不盈尺中有九節鰻  
魚禱雨獲之即應昌化縣西北千頃山有龍湫魚皆金  
銀色禱雨多應博白縣大荒山上池中有婢妾魚大如

楯兩翼及臍下有三條似練帶四尺許動搖有婢妾形  
故名廣州海中有赤魚鱗魚鰭魚鳳尾魚短頸魚馬交  
魚之屬其尤大者暨魚數年一至南海廟前至則必有  
疾疫白魚出雲南北勝州陳海狀如鯉而色白 物產  
志曰鰩魚性慧不入網罟海人以長網圍之俟潮退取  
之 寧波志曰華齊魚一名老婆魚一名綬魚又有形  
如蝌蚪而大者如盤一名琵琶魚彈塗一名閘河跳躑  
海塗中作穴而居以其彈跳于塗故名 海語曰魴有

二種魚麗之魛乃閩廣之常產海魛虎頭魛體黑文鼈足巨者二百餘斤嘗以春晦陟于海山之麓旬日而化為虎惟四足難化經月乃成矣或曰虎文直而疎且長者魛化也

魛有數種蛟魛似蛟而鼻長皮可飾劍湖魛青色背上有沙鬚鬚內有絲瑩若銀絲可以

作原張華博物志曰牛魚目似牛形如犢子剝皮懸

之潮水至則毛起去則毛伏增又南海有鰐魚狀似鼉斬其頭而乾之掾去齒而更生如此者三乃止又金魚腦中有燄金出功婆塞江神異經曰東南海中



有溫湖其內鯽鮒生焉長八尺食之宜暑而辟風寒之  
氣拾遺記曰瀛洲東有淵洞有魚長千丈色斑鼻端  
有角時鼓舞羣戲遠望水間有五色雲就視乃此魚噴  
水為雲如慶雲之麗無以加也述異記曰海魚千歲  
化為魴魚一名琵琶魚形如琵琶而善鳴因以名焉洞  
庭湖中有一陂有范蠡魚昔范蠡乘扁舟至此釣得大  
魚烹食之小者放于陂中和州歷陽淪為湖今湖中有  
明府魚奴魚婢魚北方荒外有石湖方千里中有橫公

魚夜即化為人刺之不入煮之不死若以烏梅二七箇

煮之即熟可治邪病

異苑曰長七八尺如鱧魚食之無鱗

虎魚老者為蛟

江中魚化為蝗而食五穀者百歲為鼠城陽縣南有堯  
母慶都墓廟前有一池魚頭間有印文謂之印頰魚若  
非祀者捕而不得 異苑曰凡諸魚欲產鮪魚輒以頭  
衝其腹世謂衆魚之生母 初學記曰石首初出水能  
鳴夜視有光服其石能下石淋魚鱗色甚黃如金和蓴  
菜作羹謂之金羹玉飯蓴而食之名為蓴炙食之主消

瓜成水

酉陽雜俎曰蜀中每殺黃魚天必陰雨井魚

腦有穴每吸水輒於腦穴感出如飛泉散落海中舟人競以空器貯之海水鹹苦經魚腦出者淡如泉水焉印魚長一尺二三寸額上四方如印有字諸大魚應死者先以印封之鯢魚如鮎四足長尾能上樹天旱輒含水上山以草葉覆身張口鳥來飲水因吸食之峽中人食之者先縛於樹鞭之身上白汗出方可食不爾有毒朗山浪水有魚長一尺能飛飛即凌雲息歸潭底奔鱗一

名濁非魚非蛟大如船長二三丈色如鮎有兩乳在下  
頂上有孔通頭氣出赫赫作聲必大風行者以為候相  
傳嬾婦所化殺一頭得膏三四斛取之燒燈照讀書紡  
績則暗照歡樂之處則明 清異錄曰鯉魚多是龍化  
額上有真書王字者名王字鯉此尤通神 避暑錄話  
曰太湖白魚實冠天下 遊宦紀聞曰三山溪中產小  
魚斑文赤黑相間里中兒豢之角勝負為博戲聞永嘉  
亦有之 夢溪筆談曰西湖南屏山興教寺池有鯽十

餘尾金色道人齋餘爭倚檻投餅餌為戲故東坡詩我  
識南屏金鯽魚墨客揮犀曰南方溪澗中有魚生石  
上號石斑魚作鮓甚美至春含育則有毒不可食云與  
蜥蜴交也補筆談曰凡買活魚縱之江中無不洋然  
惟鱖鰣入江中輒死乃知鱖鰣但可居止水也又吹  
肚魚南人通言之以其腹漲如吹也南人捕河魴法截  
流為柵待羣魚大下之時小拔去柵使隨流而下至自  
相排蹙或觸柵則怒而腹鼓浮于水上漁人乃接取之

又本草言河魴乃今之魴魚江浙間謂之回魚是也

吳人所食河魴本名侯夷魚本草引日華子注云有毒  
浙中人呼為規魚又有生海中者腹上有刺名海規

懶真子曰鄱陽湖水連南康軍江至冬深水落魚盡入  
深山潭中土人集船數百艘以竹竿攬潭中以金鼓振  
動之候魚驚出即入大網中多不能脫惟大赤鯉魚最  
能躍出至高丈餘後入他網中則不復躍矣蓋不能三  
躍也故禹門化龍者是大赤鯉他魚不能也 遜齋閒

覽曰莆陽通應子魚名著天下蓋其地有通應侯廟  
前有港港中魚最佳今人必求其大可容印者謂之通  
印子魚故荆公有詩曰長魚俎上通三印也 塵史曰  
鮮魚閩中鮮食最珍者長七八寸剖之子滿腹冬日正  
其佳時莆田迎仙鎮乃其出處 倦遊雜記曰黃魚化  
為鸚鵡 林洪山家清供曰鄱江士友命飯每供酒煮  
鯽魚云鯽稷所化以酒煮之甚有益 輟耕錄曰水之  
鹹淡相交處產河魷魚類也無鱗甲常怒氣滿腹形殊

弗雅然味極佳煮治不熟則能傷人腹中之脾曰西施乳按類編引博雅云鰮鰕鮓也背青腹白觸物即怒其肝殺人正今人所謂河豚也陶朱公養魚經曰以六畝地為池池中為九洲求懷子鯉魚長三尺者二十頭牡鯉長三尺者四頭以二月上庚日納池中令水無聲魚必生埤雅廣要曰鱸松江魚之美者也語曰四腮鱸出得松江天下無鱖魚似魴肥美江東四月有之鰻白腹似鱖而大焚其骨煙氣辟蠹有雄無雌以影漫鱧



而生子其子皆附於鱧之鬚而生故謂之鰻鱧一曰鮎亦產鰻蓋其乳子三分之二為鮎其一鰻也嘉魚食乳泉出丙穴穴口向丙故曰丙也 雅俗稽言曰鱧俗呼烏魚又名火柴頭頭戴七星夜禮北斗道家謂之水厭忌食之養生家亦忌其膽臘月收取陰乾遇喉急痺少許點之即愈白小銀魚也小於麵條鮎魚初夏有餘月無故謂之鮎其味之美在鱗食莫去之鱗如甲亦知自惜若入網中則不動恐傷鱗也其鱗灰水浸洒可作花

鈿彭淵材謂鰯魚多骨其一恨也又俗云鰯魚不過鴨  
欄驛鰯魚狀如青魚長者尺餘其子滿腹粵人亦呼為  
子魚其實非也鰯口魚魚口似鰯頭有紅點兩旁自頭  
至尾有白路如銀色身細尾岐長三四寸二月間出海  
中鰯魚一名箭魚腹下細骨如箭簇出富陽者尤美鰯  
似鰯而長無鱗有涎黃色生溝瀆淺水中好穴田為農  
夫患頭昂起寸許者不可食肋魚似鰯而小身薄骨細  
冬天出者名雪映魚味佳至夏則味減率以夏至前後

以巨艘入海捕之馬交魚生海中形似鱮其膚黑色無  
鱗有斑逢春社而生一名社交魚銳紫燕尾經宿則腐  
鰓魚一名昌侯魚縮項扁身似魴而短鱗細肉白生海  
中以其與諸魚匹故名河豚須暮春柳花飛時始肥吳  
人珍之石首魚一名黃魚一名洋山魚蓋洋山所出也  
能鳴網師以長竹筒插水聽之聞其鳴則下網每獲至  
千餘小者名梅魚頭大于身亦呼為梅大頭出四明梅  
山洋或曰梅熟魚來也蒲魚或曰鱖魚也尾如蛇口眼

不相營鯢今之河豚狀如蚪斗眼能開閉其腹無胆頭  
無腮故肝最毒其出有時率以冬至後來每三頭為一  
部 國策宋玉對楚王問曰鯨魚朝發崑崙之墟暴鬚  
于碣石夕宿于孟渚夫尺澤之鯢豈能與之量江海之  
大哉 賈誼弔屈原文曰彼尋常之汙瀆方何以容吞  
舟之魚橫江湖之鱣鯨方固將制夫螻蟻 木華海賦  
曰魚則橫海之鯨突兀孤遊喻波則洪連踳踏吹滂則  
百川倒流巨鱗刺雲洪鬚插天頭顱成嶽流膏成淵

郭璞江賦江豚海豨

豚似猪鼻中有聲胸上有孔噴水直上出入波浪中見則有風無鱗

多脂膏海豨體如魚頭似猪又曰豚將風則湧故俗以豚讖風

又龍鯉一角

又或

鹿駱象鼻虎頭龍顏鱗甲璀璨明錦斑揚鬚掉尾噴

浪飛涎吳都賦曰雙則比目片則王餘又長鯨吞

航修鯢吐浪郊居賦曰赤鯉青魴西征賦曰華魴

躍鱗青魴揚鬚

御定淵鑑類函卷四百四十一

欽定四庫全書

御定淵鑑類函卷四百四十二

鱗介部六

魚

魚二

原帝王世紀曰黃帝出遊洛水之上見大魚殺五牲以醺之天乃甚雨七日七夜魚流始得圖書今河圖帝視萌之篇是也 增河圖挺佐輔曰黃帝至於翠為之川有大鱸魚折溜而至五色畢具魚汎白圖蘭葉朱文以

授黃帝名曰錄圖 詩正義中候云湯沈璧洛水黃魚

雙躍出躋于壇化為黑玉 原史記曰武王渡河中流

白魚躍入舟中武王俯取以祭 增述異記曰關中有

金魚神云周平二年十旬不雨遣祭天神俄而生涌泉

金魚躍出而雨降 原尚書中候曰桓公欲封泰山管

仲曰昔者瞽王功成道格符瑞出乃封泰山今比目之

魚不至鳳麟不臻不可封也 增吳地記曰闔閭十年

東夷侵吳吳王親征之逐之入海據沙洲上相守月餘



時風濤糧不得渡王焚香禱之忽見海上金色逼海而  
來遶王所百匝所司撈得魚食之美三軍踴躍夷人不  
得一魚遂降吳王以鹹水醃魚腹腸與之因號逐夷王  
歸會羣臣索餘魚俱已曝乾其味美因書美下著魚是  
為鰲字魚作金色不知其名見腦中有骨如白石號為  
石首魚博物志曰吳王江行食鱸有餘棄於中流化  
為魚今魚中有名吳王鱸餘者長數寸大者如筋猶有  
鱸形原爾雅曰東方有比目魚不比不行其名曰鰈

江東呼為王餘

昔越王為膾剖而未切墮落於水化為魚 吳

越春秋曰越王既棲會稽范蠡等曰臣竊見會稽之山有魚池上下二處水中有三江四瀆之流九谿六谷之廣上池宜於君王下池宜於臣民畜魚三年其利可以致千萬越國當富盈 蕭廣濟孝子傳曰陳元太子也後母謗之陳侯令元自殺元投遼水魚負之以出元曰我罪人也故求死耳魚乃去 增孔叢子曰子思居衛衛人釣於河得鰥焉其大盈車子思問之曰鰥魚魚之

難得者也子如何得之對曰吾始下釣垂一魴之餌鰥  
過而弗視也更以豚之半體則吞之矣子思喟然曰鰥  
雖難得貪以死餌原說苑曰楚王謂淳于髡曰吾有  
鱺在吳子寧能為我報之乎對曰臣來見道旁野人持  
一頭魚上田祝曰高得萬束下得千斛臣竊笑之以為  
禮薄而望多也新序曰楚人有獻魚於楚王曰今獲  
魚食之不盡賣之不售棄之又惜故獻之左右曰鄙哉  
辭也楚王曰子不知漁者仁人也蓋聞困粟有餘者國

有饑民後宮多幽女者下民多曠夫皆失君人之道故  
厨庖有肥魚既有肥馬民有飢色寡人聞之久矣未能  
行也漁者知之其以此諭寡人且今行之矣故漁者一  
獻餘魚而楚國賴之 淮南子曰詹公之釣千歲之鯉

莊子與惠子觀魚於濠梁之上莊子曰儵魚出遊從容  
是魚樂也惠子曰子非魚安知魚之樂莊子曰子非我  
安知我不知魚之樂 史記曰魏王與龍陽君共船而  
釣龍陽君得千餘魚而涕下曰臣之始得魚也臣甚喜

後得益大臣欲棄前所得矣今以臣之凶惡也而得為  
王拂枕席夫四海之內其美人亦甚多矣聞臣之得幸  
於王也畢褰裳而趨王矣亦曩臣之所棄前魚也 風  
俗通曰城門失火禍及池中魚舊說池中魚人名姓居  
近城城門失火延及其家中魚燒死按百家書曰宋城  
門失火因汲池水以沃灌之池中空竭魚悉露死喻惡  
之滋并中傷良謹也 符子曰太公涓釣於隱溪五十  
有六年而未嘗得一魚魯連聞而觀焉太公涓跪於隱

崖不餌而釣仰詠俯吟暮則釋竿其膝所處若背其跗  
觸嵯若路魯連曰釣本所以在魚無魚何釣太公涓曰  
不見康王父之釣乎涉蓬萊釣巨海摧岸投綸五百年  
矣未嘗得一魚方吾猶一朝耳 史記曰始皇使方士  
徐市等入海求神仙數歲不得恐譴乃詐曰蓬萊藥可  
得嘗為大鯨魚所苦願得善射者與俱見則以連弩射  
之始皇乃令入海者齎捕巨魚具而自以連弩候大魚  
出射之至之杲見一巨魚乃射殺之 陶朱新錄曰河

陰南廣武山漢高皇廟在其麓殿前有八角井曰漢泉  
井中三魚金鱗一黑一如常一一邊鱗肉與骨皆無獨  
其首全與二魚並遊水中但其遊差緩不復有揚鬣撥  
刺之勢至今尚存俗傳漢高皇庖人治魚及半而楚人  
至倉皇棄魚井中而遁耳 辛氏三秦記曰昆明池人  
釣魚絕綸而去夢於漢武帝求去其鉤明日帝遊於池  
見大魚銜索帝曰昨所夢也取而去之帝後得明珠  
三輔決錄故事曰武帝作昆明池學水戰法帝崩昭帝

小不能征討於池中養魚以給諸陵祠餘給長安市市  
魚乃賤 增西京雜記曰昔人有遊東海者飄泊一孤  
洲共侶歡然下石植纜登舟煮食食未熟而洲沒在船  
者斫斷其纜船復飄蕩向者孤洲乃大魚也掉尾揚鬣  
吸波吐浪而去疾如風雲 原漢書曰宣帝元康四年  
神魚舞河 謝承後漢書曰會稽陳囂少時於郭外水  
邊捕魚人有盜者囂見避於草中追以魚遺之盜慙不  
受自後無復取焉 增宋志曰漢章帝元和三年車駕



北巡祠北嶽見黃白氣有神魚躍出十數 後漢書曰

左慈字元放在曹操坐操曰恨少吳松江鱸魚耳慈因  
求銅盤貯水以竹竿餌釣于盤中須臾引一鱸魚出操  
曰一魚不周坐席可更得乎乃更餌釣沈之須臾復引  
出皆長三尺餘生鮮可愛操使就前鱸之 原魏志曰  
文帝欲受禪赤魚遊於露鑊 汝南先賢傳曰葛孝先  
見遺大魚者孝先謂鮪煩此魚到河伯處魚主曰魚已  
死孝先曰無苦以丹書紙納魚口中擲水中有頃魚還

躍上岸吐墨書青黑色如木葉而飛又孝先與吳王坐樓上見作請雨土人孝先曰雨易得耳即書符著社中一時之間大雨流潦帝曰水中有魚乎孝先復書符擲空中須臾有大魚數百頭使人治食之又介象與吳王論鯢魚為上乃於殿庭作坎汲水滿之并求釣象起餌之須臾得鯢魚帝驚喜乃使厨人切之象又往蜀市薑有頃而反蕭廣濟孝子傳曰巴郡杜孝役在成都母喜食生魚於官得生鱗截竹盛魚二頭沈水中曰我

母如得此婦出渚得之笑曰是我壻寄乃以進母增  
晉書五行志武帝太康中有鯉魚二見於武庫屋上

世說曰郝隆為桓公南蠻參軍三月三日曾作詩曰陬  
隅躍清池桓問陬隅是何物荅曰蠻名魚為陬隅桓曰  
作詩何以作蠻語隆曰千里投公始得蠻府參軍那得  
不作蠻語幽明錄曰成彪兄喪哀悼結氣晝夜哭泣  
後釣於湖經所共飲處釋綸悲感有大魚跳入船中俯  
視諸小魚彪仰天號慟俯而見之悉放小魚大者便自

船躍出 搜神記曰謝紉嘗食客以朱書符投井中有一雙鯉魚躍出即命作膾一坐皆徧 又彭蠡湖側有鄉人李進勅者以販魚為業一日販魚於金陵夜泊三山之浦夜間偶步岸側聞船內有千萬人念佛誦經聲驚而察之乃船內魚也因悉放於江中後溺水見大魚數百頭於足下乘之乃得登岸 搜神後記曰謝允從武當山還在桓宣武座有言及左元放為曹公致鱸魚者允便云此可得耳求大甕盛水朱書符投之俄有一

鯉魚鼓鬚水中 崔鴻十六國春秋前凉錄曰金城太

守胡勗叛張軌遣都護宋毅治中令狐瀏討之濟河中

流白魚入船瀏曰魚鱗物敵必解甲歸我矣勗請降軌

宥之 沈約宋書曰明帝泰始二年幸華林園天淵池

白魚躍入御舟 青田志曰謝康樂守永嘉遊石門洞

入沐鶴溪旁見二女浣紗顏貌娟秀以詩嘲之曰我是

謝康樂一箭射雙鶴試問浣紗娘箭從何處落二女邈

然不顧又嘲之曰浣紗誰氏女香汗溼新雨對人默無

言何自甘良苦二女微吟曰我是潭中鯽暫出溪頭食  
食罷自還潭雲踪何處覓吟罷不見 三峽記曰明月  
峽中有二溪東西流宋順帝昇平二年溪人微生亮釣  
得一白魚長三尺投置船中以草覆之及歸取烹見一  
美女在草中潔白端麗年可十六七自言高唐之女偶  
化魚游為君所得亮問曰既為人能為妻否女曰冥契  
使然何為不得遂諧伉儷後三年忽曰數已足矣請歸  
高唐亮曰何時復來荅曰情不可忘有思當至其後一

歲三四往來不知所終 襄陽耆舊傳曰峴山下漢水

中出鰯魚肥美嘗禁人採捕以槎頭斷水謂之槎頭鰯  
宋張敬兒為刺史齊高帝求此魚敬兒作陸艦船買魚  
而獻曰奉槎頭縮項鰯魚一千六百頭 南齊五行志

曰永明九年鹽官縣石浦有海魚乘潮來水退不得去  
長二十餘丈黑色無鱗未死有聲如牛土人呼為海鰻  
取其肉食之 梁書曰南郡太守劉之亨嘗夢二人姓  
李詣之乞命未之解也其明日仲夏有遺生鯉魚二頭

者之亨曰必夢中所感也乃放之其夜又夢來謝云當  
令君延壽 高僧傳寶誌對梁武帝食鱸帝曰朕不知  
味二十餘年師何必爾誌乃吐出小魚鱗尾依然今金  
陵鱸殘魚是也 南史曰始興人盧度有道術屋前有  
池養魚皆名呼之次第取食 後魏書曰高祖幸清微  
堂因之流化池高祖曰此池中亦有魚在任城王澄曰  
此所謂魚在在藻有頌其首高祖曰且取王在靈沼於  
物魚躍 冀州圖經曰太和三年文明太后馮氏幸金



河府摩磷宮湯泉釣得鯉魚一雙皆長三尺以黃金鎖穿腮放於池內後皆長五尺沈泛相從正光元年五月五日天清氣爽聞池內鏘鏘聲水中驚沸須臾雷電其一浮天化五色虹而去久之乃滅一在池中至孝昌元年六月行臺元淵北伐頓此決池取魚鱗甲非常淵令殺之得金二斤八兩淵明年為葛榮所殺邢子勵地記曰元魏延興初文安人孫願捕魚於五渠水中有羣魚從西來共以柴塞之忽有人謂願曰須臾當得大魚

若欲多求宜勿殺也後願下網果得大魚其狀如鯉而大願以為貴物遂殺食俄頃風雨晝晦聞飛鳥聲比風息雨霽有人乘船至者見羣魚無數飛入於海願遂不復漁矣因呼入海之處為飛魚口 顏氏家訓曰江陵高偉隨顏之推入齊地凡數年向幽州淀中捕魚見羣魚嚙之而死 大業拾遺記曰大業四年梁郡有清冷水面濶二里許南有橫瀆西入通濟渠是時多雨溝渠皆滿忽有大魚似鯉而頭一角長丈餘鱗正赤從清冷

水出頭長三尺許入橫瀆逆流西北十餘里不沒入通  
濟渠夾岸隨看者數百人皆謂赤龍大鯉從淵而出此  
亦唐祚將興之兆 避暑錄話大業中吳郡送太湖白  
魚子種置苑內海中水邊十餘日即生其法取魚產子  
著菰蔣上者刈之曝乾即乾而復生不解其故 酉陽  
雜俎曰唐朝律取得鯉魚即宜放仍不得啐號赤鯉公  
賣者決六十 唐書曰太宗觀魚於西宮見魚躍焉問  
其故漁者曰此當乳也於是中網而止 玉海曰景龍

三年春二月明皇至於襄垣漳水有赤鯉騰躍靈皇之  
瑞也潘炎作賦 唐書曰開元中衢州獲魚有銘裴光  
庭等奏賀曰魚龍為圖河洛所出比之盛時彼何足云  
張九齡賀曰魚為龍象既彰受命之元銘作久文更表  
錫年之永 又開元七年大拂涅靺鞨獻鯨鯢睛 林  
下詩談曰貞元中有周存者性喜放生嘗放一鯉魚戲  
為詩極佳末云儻若成龍去還施潤物功後入試題為  
白雲向空盡詩既成苦於無結忽憶鯉魚詩因改二字

云儻若從龍出還施潤物功遂得通籍 唐書曰韓愈  
初至潮州問民疾苦皆曰惡溪有鱷魚食民畜產且盡  
民是以窮數日愈為文祝之祝之夕暴風震電起溪中  
數日水盡洄西徙六十里自是潮無鱷魚患 白孔六  
帖曰元和十四年二月晝有魚長尺餘墜于鄆州市良  
久乃死魚失水而墜於市敗滅之象也 劇談錄曰李  
德裕有巨魚脅骨一條長二丈五尺其上刻云會昌二  
年海州送到 白孔六帖曰光啓二年揚州雨魚 朝

野僉載曰郴州刺史王琚刻木為獺沈於水中取魚引首而出蓋獺口中安餌為轉關以石繩之則沈魚取其餌關即發口合則啣魚石發則浮出矣 五行記曰唐杭州富陽縣韓珣莊鑿井纔深五六尺土中得魚數千頭土有微潤 又唐封令稹任常州刺史於江南泝流將木至洛造廟匠人截木於中得一鯽魚長數寸如刻安之 靈應錄曰雪溪有漁人將簞籃捕魚往收之際見一鯽長數尺枕於簞上將鐵叉筌之不中看簞內有

小鱧漁者思之此俱是其子未取之隱於葦叢再候大者良久至游泳箬外求出其子漁者忽悟曰常聞殺鱧益罪乃謂其魚曰若有變異當放爾子其魚乃吐一條黃氣上有一僧長數尺其氣高二丈餘頃而沒漁者駭然遂開箬放其子相引跳躍漁者棄業於金山寺為僧至今存焉 雲仙雜記曰揚州太守閭丘惠會僚友於轉沙亭集境內漁戶令曰所得魚多者有金帛之賞有一漁人以肉物作塊散懸於網上取魚倍衆力凡十網

得魚三千六百無甚小者衆慙而退太守詢之曰魚喜  
鹿胎之香適散懸者乃此物也下網召之萬魚畢聚矣  
南康記曰南康有狂人周可大見魚必置數十頭食  
餘棄於几上人謂隨即臭腐可大以手摩之皆為石魚  
後年餘友人訪之見其紙裹石魚煨以啖客新香不異  
常魚 蜀普錄曰東川降魔寺僧吉祥魁梧多力受飯  
五鉢日夜誦經九函池中魚知其數以名召之皆出水  
面使去即沒 夢溪筆談曰越州應天寺有鰻井在一



磐石上乃一石竅也鰻時出遊人取之置懷袖間了無驚猜如鰻而有鱗兩耳甚大尾有刃跡相傳曰黃巢曾以劒刺之凡鰻出遊越中有水旱之災五代史補曰王審知遺推官黃滔魚徐演代為謝啓曰卸諸斷索纔從羊續懸來列在雕盤便到馮驩食處時大稱之五代史曰道士李道殷有釣魚術釣而不餌委巷叢談曰錢氏時西湖漁者日納魚數觔謂之使宅魚其捕不及數者必市以供頗為民累一日羅隱侍坐壁間有磻

溪垂釣圖武肅王索詩隱應聲云呂望當年展廟謨直  
鉤釣國更何如若教生在西湖上也是須供使宅魚武  
肅大笑遂蠲其租 清異錄曰京洛白鱮極佳烹治四  
方罕有得法者周朝寺人楊承祿造脫骨獨為魁冠禁  
中亦宣索承祿進之文其名軟釘雪龍 歸田錄曰真  
宗朝歲歲賞花釣魚羣臣應制一歲臨池久之御釣不  
獲時丁謂應制詩曰鶯鶯鳳輦穿花去魚畏龍顏上釣  
遲羣臣皆以為不及 玉照新志曰嘉祐末有人攜一

巨魚入都能人言號曰海多人爭觀之亦嘗召至禁中  
帝自為一詞曰海多風錯被漁人下網打住將我在帝  
城中每日教言語甚時節放我歸去龍王傳言道這裏  
思量爾千回萬度螃蟹最恓惶鮎龍憂慮於李氏園作  
場躍入池中不復可獲是歲黃河大決水入都城壞民  
屋宇數百家東坡志林曰眉州人任達嘗言少時見  
人家畜數百魚深池中沿池磚甃四周皆屋舍環遶方  
丈間凡三十餘年日加長一日天清無雲池中忽發大

聲如風雨魚皆湧起羊角而上不知所往疑此魚圈局  
已久日有騰拔之念久而自達理自然耳 韻語陽秋  
曰臨安六和寺後池有鯽魚金色蘇子美有詩云沿橋  
待金鯽竟日獨淹留蓋其出有時也自子美後四十年  
東坡始遊此寺嘗投餅餌以待略出不食復入東坡曰  
此魚難進易退而不妄食宜其壽四十年如此 宋紀  
曰趙鼎謫珠崖自雷州浮海而南顧見洪濤間紅旗靡  
靡相逐而下疑為海寇或外國兵革呼問舟人舟人搖

手令勿語恐怖之色可掬惶遽入舟披髮持刀出蓬背上割其舌出血滴水巾戒令閉目危坐凡經兩時頃聞舟人呼曰更生更生頃所見者巨鰭也能吞舟即舟人平生未嘗見 宋五行志曰紹興十八年漳浦縣崇明鹽場海岸有巨魚高數丈割其肉數百車剜目乃覺轉鬣而傍艦皆覆 夷堅志曰紹興二十年四月秀州海鹽縣並海之民未晚將趨縣忽聞海中謳歌之聲謹沸盈耳驚而東望遙覩大舟從洋波間來頃刻抵岸則元

非舟艦乃一巨鯀因閣沙上時時揚鬚撥刺額上有竅  
徑尺其中空經日有架梯躡其背者兩日尚能掉尾轉  
動遭壓死者十人或疑為謫龍雖得肉弗敢食一無賴  
子先煮嘗之云極珍美于是厥價斗貴至持入州城每  
斤錢二百涉旬乃盡縣宰祝次騫命取其目睛大如桃  
光彩可鑑儼然雙明珠也凡數日水滴盡而枯頷骨長  
二丈五尺縣後溪濶二丈祝遣人輿致用以為梁每脊  
一節堪作臼搗米 程史曰今中都有豢魚者能變魚

作金色鯽為上鯉次之貴游多鑿石為池寘之簷牖間以供玩問其術祕不肯言或云以闐市洿渠之小紅蟲飼凡魚百日皆然初白如銀次漸黃久則金矣未暇驗其信否也又別有雪質而黑章的爍若漆曰玳瑁魚文采尤可觀逆曦之歸蜀汲湖水浮載凡三巨艘以從詭狀瑰麗不止二種惟杭人能餌蓄之白雲時議曰金國有一太守得巨魚令庖人烹焉熟而薦之求魚之舌庖人曰魚元無舌不信其說疑其竊而食之鞭背數十

輟耕錄曰元至正中上海縣牧羊兒聞頭上恰恰有聲仰視之流光中墮一魚自首至尾根僅盈尺是日晴無陰雲亦無鷗鵲之類是可怪也橋下一民家取鹽而藏之來者多就觀焉或曰志有云天墮魚人民失所之象明興雜記曰帝潛龍時漁于川一日獲鯉三十五置之一笊箬有陳四者來共語又戲以漁罩罩腥躬既而上持魚還舍啓視已失其五知為陳竊往問之陳諱匿上欲毆之乃笑以還及上即位一日問劉誠意享位



幾何劉曰眚壽無疆然以數言當三十有五又有問五  
歲假之他人上忽思竊魚事其數允合立召陳至將殺  
之上問之陳因述漁事上曰吾忘之為何地陳曰烏龍  
潭也上曰吾鄉焉有此陳曰臣嘗於此罩烏龍故名也  
上喜其對釋之後洪武之紀并革除年果符其數

### 魚三

原有翼

無鱗

劉向列仙傳曰子英者舒鄉人也善入水捕魚得赤鯉魚愛其色持之著池中

數以米穀食之一年長丈餘遂生角有翼

河圖曰

黃帝遊于洛見鯉魚長三丈青身無鱗赤文成字

千觔

七里

出大魏

諸州記

小平津

有洞穴鯉魚從穴中

志鯉魚長百步俗

如鮫

似龍

大魏諸州記每至三

傳有七里鱣魚

如鮫

似龍

月中有鱣魚從穴出

入河重千斤色青皮如鮫魚皮有珠文口在額下有甲大者

千餘

北溟鯢

南海鯨

莊子北溟有魚其名為鯢其

拾遺記黑河北極也其水濃黑不流上雲生焉有黑鯢

魚千尺如鯨常飛往南海或宕而失所死于南海之濱

肉骨皆消惟膽

若獸

如蛇

若鯉魚四足吳都賦所

謂鮫魚若獸

沈懷遠南越志鮫魚鯉也形如蛇而四

足腹圍五六寸頭似蜥蜴鱗如鎧甲異物志謂之鮫鯉

黑身青目

沈懷遠南越志烏鰂魚通身黑長二

丈

臨海水土記鰂魚鹿文青目

虎形

蝦尾

斑瑩臨海水土異物志虎鰭長五丈黃黑斑耳目齒牙有似虎形唯無毛或變乃成

虎

沈懷遠南越志

白腹

斑文

物志鰭腹下水土異

蝦鰭

長五丈尾似蝦

長五丈

又虎鰭

鋸齒

霜牙

萬震南州異物志鰭齒網羅則斷如刀鋸

長五丈

黃色斑文

居水中以食魚為本

珠文

毒尾

劉欣期交州記

唐闡吳都賦鰭鱗霜牙

三尺背上甲珠文堅強可以飾刀口又可以鑢物

山海經燕山漳水出焉其中多鰭魚注曰鰭有珠文尾

青毒皮可以

春來

秋化

臨海異物志石首小者名頭水其次名春來石首異

飾刀劍口

種也

張勃吳錄婁縣

片立

雙遊

臨海水土記板

有石首魚至秋化為鳧

行比目魚也

孫綽望海

象獺

似牛

楊孚臨海水

賦王餘孤戲比目雙遊

獺大如犢子毛青黃色其毛如鱸知潮水上

增千歲

五色

鯉埤雅廣要曰鯉魚有壽至

千歲者金溪記曰孫願夜行橫塘見池中大魚映月吸水移時不去明日汰池中惟有一大鯉魚身已五色

食鹿

化虎

嶺表錄異鯉魚其身土黃色有四足修尾狀如鼉而舉止趨疾口森鋸齒往往

害人南方鹿多最懼此物鹿走崖岸之上羣鯉高叫其下鹿必怖懼落崖多為所得洽聞記鯉魚別號忽雷

熊能制之握其背至岸裂擘食之一名骨雷秋化為虎三爪出南海思雷二州

易長

能變

陶朱公養魚經所以養鯉者以不相食易長又貴也學林二四為六六者老陰之能變者也鯉三十六鱗六

六之數也能神化飛越山湖故為在地之能變者也

不反白

如抹朱

神農書鯉為魚

之主今人以盤水養之雖困鱗不反白蓋健魚也盧仝觀放魚歌老鯉變化頗神異三十六鱗如抹朱

唐

膽如石

目成珠

上詳南海鯨魚注  
明珠即鯨魚之目  
夜可以鑒謂之

夜光又曹毗賦骸喪成島嶼之墟目落為明月之珠

魚四

原聽琴

鉢巴鼓琴  
鱗魚出聽

置帛

陳勝以丹書帛曰陳勝王字  
置魚腹中令賣之買者烹之

得書

感孝

王祥至孝後母冬月思生魚祥遂泣於冰上冰忽開有雙鯉躍出

報恩

詳魚

二辛氏  
三秦記

戲蓮

古詩魚戲蓮葉東

在藻

矢於棠

傳公矢魚於棠

在于沼

詩魚在于沼亦匪克樂

登龍

三秦記江海魚集龍門下登者化龍不登者點

額暴

畏鵜

莊子魚不畏網而畏鵜網無情故也

為魯

古語云事歷終古以魚為魯

去乙

骨如乙字不可食

咸若

魚鼈咸若

不泔

詳龍

腹疾

傳河魚腹

疾奈

網漏

鯢鰭

竭澤

竭澤求魚非不得魚恐後無魚也

脫泉

魚不可脫

何

於泉

掉尾

水濁則無掉尾之魚

奮鬣

鬣鼓鬣

就食

史記河魚大上輕車重馬來就

食

往觀

傳公將如常觀魚者遂往陳魚而觀之非禮也

莘尾

有莘其尾

頡首

有頡其首

吞釣

歸田賦貪餌而吞釣

遊釜

後漢張嬰詣張綱降曰某等若魚遊釜中

芳餌

陰符芳餌之下必有懸魚

敝笱

詩敝笱在梁其魚魴鰈

吞舟

吞舟之魚蕩而

失水

葬腹

寧葬江魚之腹

陽鱈

陽書以釣道語宓子曰迎釣而吞者陽鱈也其為魚慄而

無味宓子至單父迎者冠蓋交于道宓子曰此陽書所謂陽鱈者遂聘賢人而訪政事單父大治

小

鮮

治大國若烹小鮮

不大

水煩則魚斃不大

不出

詳二食貨志

不獻

水潦降不獻魚斃

不鬻

禮魚斃不中殺不鬻於市

涵泳

游行

噲喁

水濁

則魚噲喁

發發

詩鱸鮒發發

洋洋

孟子少則洋洋焉

取常

任家貧

賣魚會官發魚魚價倍蝦取其直如常也

禁澤沈

禁澤之沈者

螻蟻能制

莊子

曰吞舟之魚失水則螻蟻能制之

江湖相忘

又曰水涸魚相與處於陸相煦以溼相濡以沫

不若相忘

濠梁之樂

莊子

車轍之窮

莊子貸粟於監河侯曰周昨來

於江湖

見車轍中有鮒焉曰我東海之波臣也君豈有升斗之水而活我周曰待我決西江之水而活汝可乎鮒曰如

君言不如早索我於枯魚之肆

紫鱗

頰尾

並毛詩

增應星

星經天魚一星

在尾後河中此星

從月

正字通坎為水為月魚水族

月虛則

濯錦

王符實貢篇

寄書

古樂府客從遠方

兒烹鯉魚中

守夜

芝田錄門鑰必以魚者取其不瞑目守夜之義也

知更

採蘭雜志曰薛若社好讀書往往徹夜一日遇比丘告

之曰夜半不臥非延益之道因就水中捉一魚赤色與

薛曰此謂知更魚夜中每至一更則為之一躍薛蓄盆

中置書几至三更魚果三躍薛始就寢更名曰代漏龍

矜鱗矜竦也魚冷

仰水鹽

論民之仰政

負冰

月令孟春之

衝岸

杜甫詩

蟠泥陳師道詩大魚

躍淵詩

縱海

王褒曰沛乎如

猶魚之仰水

月魚陟負冰

衝岸鱗衝岸躍



暴腮

尸子曰龍門魚之難也蓋河津一名龍門兩旁

上輒暴腮水次故曰暴腮龍門善為魚者不求為龍望禹門輒退是以無暴腮點額之患

燒尾

魚

龍門必雷神與燒其尾乃得成龍

懷珠

天元生物薄魚之懷珠至五十年則無復腮腦上有汗鬚

紫色眼當紅色口赤色

孕瑯

江賦文魴孕瑯山海經文魴狀如覆鉢鳥首而魚尾音如磬生珠玉

腹有古鏡

舊聞記元相國之鎮江夏也嘗秋登黃鶴樓望沅江之濱有光若殘星焉令親信棹

小舟直至光所乃釣船中也詢彼漁者曰適獲一鯉光明無之親信乃携鯉而來既登樓公命庖人剖之腹中得古鏡二如古錢大一面相合背則隱起雙龍雖小而鱗鬚爪角悉具既磨瑩後遂常有光輝

脊出

金釵

記事珠寶應中酉陽人見釣魚師有魚腦貫黃金文愛而買歸食至脊上出金釵一隻長六七寸

芒草毒

山海經葢山有木其狀如棠而赤葉其名曰芒草可以毒魚 葢音闕

柳葉化

酉陽雜俎開成末城南百姓王氏莊有小池池邊巨杉落葉池中旋化為魚大小如葉食之無味

食

楊花

魚食楊花則病

飽棟子

魚池傍宜樹棟木則落子池中可以飽魚

穉龍

釣磯

立談鯉一名穉龍

沈虎

詞林海錯沈虎潛鹿皆魚名

有睫

酉陽雜俎魚有睫及目合

二目不同連鱗白鬚腹下有丹字者並殺人

無腮

酉陽雜俎裴曹尚書子忽暴中病衆醫拱手荆

人道士王彥伯視之曰此中無腮鯉魚毒也試之果然

釋小

淮南子李子治單父三年而巫馬期

衣袒裼易容貌往觀化焉夜見得魚者釋之巫馬期問曰凡人所為漁者欲得魚也今而釋之何也漁者曰李

子不欲人取小魚也所得者小是以釋之

泔餘

荀子曾子食魚有餘曰泔之門人曰泔之傷人不若

輿之曾子泣涕曰有異心乎哉傷其聞之晚也

**相食**

淮南子水積則生相食之魚

**環遊**

黃魯直每用魚千里事蓋出關尹子以盆為沼以石為鴈魚環遊之不知其幾千里也

**蛟龍引**

酉陽雜俎魚滿三百六十年則為蛟龍引飛去

**風雷化**

歐陽修詩何異鱸鮓爭尺水巨魚先已化

風雷 **臥冰求**

日搜神記楚僚至孝後母患一腫成癰形容日瘁夜夢一小兒語曰若得鯉魚其病即

瘳是時十二月僚脫衣臥冰上見童子決臥處冰開送鯉魚一雙母食之而遂愈

**汲泉得**

姜詩

傳詩事母至孝母嗜江水兼嗜魚鱠詩家貧苦艱得舍側忽湧泉味如江水每日一汲輒獲雙魚

**食**

化譚子化書庾氏穴池構竹為凭欄登之者其聲策策馬辛氏穴池構木為凭欄登之者其聲堂堂焉二氏

俱牧魚於池中每凭欄投餌魚必踊躍而出但日聞策策堂堂之聲不投餌亦踴躍而出則庾氏之魚可名策

策辛氏之魚可名  
堂堂食之化也

水畜

陶朱公養魚經治生之法有五水畜第一所謂水畜者魚

也

方圓偃俯

卑雅廣要鰓魚偃鯉魚俯鰓魚圓鰓魚方

健弱浮沈

卑雅廣要

鰓一名經今之青鰓也細鱗縮項濶腹魚之美者蓋弱

魚也其廣方其厚褊故一曰鰓一曰鰓似鰓而鱗弱

其色白北土皆呼白鰓其頭尤大而肥失水即死蓋弱

魚也又謂之鰓鰓庸魚也其性庸弱而不健故也詩於

鰓鰓言發發于鰓鰓言唯唯則魚之健弱可知也

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

鰓也鰓也鰓也其性浮鰓也鰓也鰓也其性沈

亦沙中乳子俗云魴性抱沙

**附土**

雅俗稽言魴俗名土部蓋聲訛也此魚嘗附土而行故曰土附

吳興人又名為鱸鱧以其質圓而長與黑鱧相似而其鱗斑駁又似鱸魚故兩喻而兼言之埤雅指為鯽魚似

誤魚經諸魚皆屬火惟鯽魚屬土且性亦沈泥但其形不類黑鱧也

**善擾**

埤雅廣要鯽一名鯽鯽尋

也尋習其泥厭其清水性苒健善擾

**喜睡**

江隣幾雜志取鯽者置鯽云鯽喜睡鯽好遊不爾睡死

**鬣似旌旗**

寓簡沈作詰嘗迎親海上至補陀山望見海中數十里外有旌旗如軍行數萬騎者

洶湧東下問舟人曰此大魚耳旌旗狀者蓋鱗鬣也須臾稍近山石為之震動

**腸成刀槩**

雜俎

東海漁人言近獲魚五六尺腸胃成胡鹿刀槩之形號秦皇魚

**宜鯉宜魴**

埤雅廣要洛鯉伊魴

貴於牛羊言洛以渾深宜鯉伊以清淺宜魴也

**出鱖出魴**

廣輿志沔陽水有二源一曰清檢一

曰濁檢清水出

鯢濁水出鮒

鯨潮

則水溢謂之鯨潮

鱣岫

文朝

鱣岫之吐翕言

鯉石

廣輿志鯉石在巴山世傳琴高

大魚如山也

為鱣堂楊震傳有雀銜三鱣魚飛集講堂前皆曰鱣

石者卿大夫之象也數三者三台也先生自此

升矣穴處詳上鯨岫居而浮陽北入河西上龍門入

漆沮見日而目眩魚之先至者其至有時

長鼻體無鱗甲味不如鱣大者長七八尺

梁水之鮐

埤雅語居就糧梁水鮐蓋

今遼東梁水之鮐特肥

洞庭之鮐七華賦洞庭之

腴青鰓朱

撥刺魚跳躍

池州長史

見

灋灋見後

池州長史

雜錄張洞為淮南轉運使夢人通謁曰

河伯健兒

池州李長史後池中得大鯉即夢也

異

記鰭魚章安縣出腹中容四子煩赤如

止水流水

雅

廣要魚生流水中則背鱗白味

獨行旅行

雅廣要

似鰭魚而鱗細于鰭赤眼好獨行制字從尊殆以此也

又曰鰭魚好旅行吹沫如星以其相即謂之鰭相附謂

金鰭未化

酉陽雜俎魏末平原潘

行故制字從與

府君字惠延自白馬登

舟之部手中算囊隋水囊中有鍾乳一兩在郡三年濟

水泛溢得一魚長三大廣五尺刻其腹中得墜水之囊

金鰭尚在鍾乳消盡其魚得脂數十斛

木獺能擒九

志廖光圖與伊岳道士伊用昌為林泉之交母病思鱸

值江水暴漲不可得用昌探懷得一木獺長三寸許再

三祝之投於江中須臾波浪騰沸遂

雙名

山海經有

剛山蠻蠻洛水庸庸  
王會有揚州禹禹

三色

埤雅廣要魚品齊魯之間  
魴為下色鯉為中色鯉為

上  
文鱗柳宗元詩沈  
景照文鱗

纖鱗又曰每憶纖  
鱗遊尺澤

魚書史

史佚作魚  
書以紀瑞

魚符

張鷟耳目記唐以鯉魚為  
符瑞為銅魚符以佩之

魚圀天

志天漢南三星  
曰咸池魚圀也

魚倉

永嘉郡記青田溪冬天水  
熱如湯眾魚歸之名魚倉

飛

魚拾遺記仙人寧封食飛  
魚而死二百年更生

瓊魚

漢武內傳王母曰仙  
人上藥有流淵瓊魚

逆鱗魚

王昱之與琅邪太守許誠之書曰貴郡臨沂  
縣其沙邨逆鱗魚可調藥物逆鱗魚仙經謂

芝之內

重鱗魚

湖廣石門縣東陽山水中魚  
鱗有兩重與諸魚別味肥美

抱石魚

出于山溪背偃而腹平其大如  
指常貼于石上土人取之為腊

戴帽魚

出安南國銳  
首無鱗有骨



若插箭然味似河豚名戴帽魚

鵞毛魚

出東海不用網罟二人乘一小艇張燈艇中魚見燈光輒

上艇頭曳而盈多則去燈否則小艇不勝載矣

鹿子魚

頰色其尾鬣皆有鹿斑赤黃色南海中有

洲春夏此魚跳出洲化為鹿

鸚鵡魚

龍門江在嘉陵州飛瀑聲聞百里舟車過此必舁上岸方

可復行傍有穴多出鸚鵡魚色青綠口曲而紅似鸚鵡鵡相傳此魚能化龍故云

黃雀魚

出

州常以八月化為雀十月後入海化為魚

楓葉魚

海樹霜葉風飄浪翻腐若螢化厥質為魚故名

藿葉魚

細點冰盤藿葉魚

麥魚

其形銳小似麥可愛東流縣四十里上溪潭出湖流

至石人瀨下形漸大越此則化蜻蛚飛去里人最珍之

油魚

在雲龍州南二十里中秋則魚肥長

僅二三寸至十月望則絕焉

地青魚

尾有刺甚長逢物則撥之毒能中人色白者曰地白與魚

相類又名邵陽魚

**黃蠟魚**

即江湖之橫魚頭嘴長鱗如金色鬻為炙雖美而毒

鼠尾魚產象山

或煎燂夜即有光如籠燭

**棘鬚魚**

宋志其鬚剛如棘故呼棘鬚又其鬚赤亦呼赤鬚此魚味豐在

首首味豐在眼莆人多蔥酒蒸之以為珍味

**方頭魚**

十月此魚得時正月以後則味拙不可食

似棘鬚而味美

**鉤魚**

狀類鰻身少扁其唇甚長垂下數寸味皆在此故俗有喫著鉤魚唇不惜老婆

視之

**鬪魚**

大如指長二三寸身有花文紅綠相間尾鮮紅有黃點善鬪兒童輩多盆養之每鬪

相持不舍久之勝負乃決負者躍而遊顏色衰謝勝者洋洋自得顏色充如也物之好勝一至此哉俗呼為花

魚

**魮魚**

興化府志此魚頭圓禿如燕身圓扁如箕尾圓長如牛尾其尾最毒能螫人有中之者連

日夜號呼不止以其首似燕故名燕魮魚以其尾言故又名牛尾魚魮一作魮胎生形如覆笠有肉翅能刺

人一名鯨魚形圓似扇無鱗色紫黑口在腹下尾長于身尾端有刺有虎魚紅魚狗魚種類不一

狗

魴魚

長狗頭魚身聲如狗尾形類彈塗而大大者

鼠鮎

魚

海中有善食鼠每揭尾于沙際以給鼠鼠見之以為彼且失水矣舐其尾將食之鮎即轉首厲齒撮鼠入

水以去狼籍其肉羣蝦皆食之

淫魚

身正黑口在頷下狀似馬有鬚

而無鱗出於江中其性喜音聞樂作則出頭水上聽之所謂鉢巴鼓瑟游魚出聽非槩指凡魚也

鮎

魚

似馬交尾有兩岐如鞭梢故名

鯨魚

土地志利州貢鯨魚

金頭魚

印河有之

長十餘丈頭甚大遙視之如戴鐵釜

青郎魚

似海鯽而大爾雅所謂當魴是也一名擲磚硬鱗剛

骨齒如鐵鋸嚼螺蛤成粉味極佳

鮎鮮魚

出河陽縣一名康郎魚雲南諸府買為瘴藥

金線魚

碧雞山下洞內有

金魚

體如金一名火魚有通身赤者有半身赤者有亂赤文者

有背赤文作卦形者有頭赤尾白者有鱗紅身白者

石魚

酉陽雜俎衡陽湘鄉縣有石魚山山石色

黑理若生雌黃開發一重輒有魚形鱗鬣首尾若畫長數寸燒之作魚腥又重慶涪州江心有雙魚刻石上每

一魚三十六鱗見則歲豐汧陽有魚隴掘地破石得之可辟衣蠹

魚爺

瓊州文昌縣有魚爺井水

極清冽相傳泉與海通有大魚頭白俗呼為魚爺人呼之輒出

魚舅

味極佳惟嘉州有之

文

魚雅俗稽言臨湘蒲圻之界有魚名文魚俗名春魚其形如鍼味極佳此亦小之至者也

弓魚

見魚譜滇中誤作公魚而怪其有子

婢展魚

口在腹下形似婦人展

奴孺魚

長

尺如

原麗留

詩魚麗于留鱗鈔

施眾

識

忘筌

莊子筌者所以在魚

得魚而

忘筌

斷罟

國語魯宣公夏濫于泗淵注濫漬取魚罟里革斷其罟而棄之曰夫魚禁鯢鮪

獸長麋麋今魚方孕而行罟網貪無藝也公曰我過矣而里革匡我不亦善乎注鯢鮪小魚

鴻離

魚網之設鴻則離之

獺祭

獺祭魚然後虞人入澤梁

時簪

鰓人以時簪魚鰓簪謂以杖刺

泥中搏取之

夜捕

陶侃將吳寄救荊州曰晝戰當擊賊夜分捕魚也

九罍

美周

罍之魚鱗鮓罍魚網也

百金

公羊公如棠觀魚譏公曷為遠而觀魚登來之也百金之魚公張之

登來美大之之辭也注張網羅也取公去南面遠與人爭利便遠觀之

臨河

淮南子臨河羨魚不

如退而

入水

獺未祭魚網罟不入水

天子嘗

季冬命有司始魚天子往嘗魚

獻人取

周禮獻人掌以時魚為梁注梁水以取魚

取諸離

易經作為網罟以佃以魚

蓋取諸離

亂于水

莊子苟多則魚亂於水

取既有時

殺宜中禮

俾遂生成

勿令暴殄

增朝船

陸龜蒙紫溪翁歌曰米江之魚兮朝

船有鱸

晚習

宋徐積詩就淮仍買晚習魚

觸綸

吳都賦曰文鯨夜飛而觸綸

黏微

潘岳曰貫腮揭尾掣三牽兩弛青鯢而網鉅解赤鯉于黏微鉅釣鉤也黏微黏于網也

原

桂餌

閭子曰魯人有好釣者以桂為餌黃金為鉤垂翡翠之綸

竹竿

簾簾竹竿以釣于淇

渭濱

呂望釣于渭濱獲玉璜

濮水

莊子釣魚于濮水

無餌

文子釣魚不可以無

餌

維絲

其釣維何維絲伊緡

守坻

釣魚不得由守坻不堅

累繩

莊子夫揭竿累趣漵瀆守鯢鮒於得大魚

難乎注累釣繩漵瀆謂小瀆也

為綸

史記游者可為綸

于

釣詩之子

釣富春嚴光字子陵漢光武時釣于富春富春有嚴陵釣臺

漁雷

澤大

任公之術

莊子任公為大鉤以十五牯為餌蹲于會稽投餌于東海晷年不得魚一

旦有大魚牽巨鉤任公得其魚而脂之自淞河以東無不厭若魚者

詹何之能

列子詹何楚人

也學釣五年然後盡其道以獨繭絲為綸芒鉞為鉤剖粒為餌於百仞之泉引盈車之魚

釣而不

網謂不絕水

田則不漁

君子田則不漁

名鯉

孔子生子三日有饋鯉者因名子曰

鯉字伯魚也

獻鮪

春獻王鮪

遺雙

古詩客從遠方來遺我雙鯉魚

進尾羞濡

魚者

獻孔子

孔子之楚有漁父獻魚不受父曰市遠無所貨不如獻君子孔子乃受之以命

弟子掃地

賜弦章

齊景公賜弦章魚十五乘

獻之不受

韓子公儀休相

魯而嗜魚邦人獻之曰吾以為相  
自可致魚以受魚退人誰遺吾魚

饋之則懸羊續

薦鮪

二月天子始乘  
舟薦鮪于寢廟

嗜鮑

文王任太公望傅太子太  
子嗜鮑魚太公曰鮑不登

俎

充饋

川奠魚蟹之  
物以充饋食

利賓

易包有魚不利賓象曰  
義不及賓也注擅人之

物以為已惠  
故不及賓

宜苾

魚宜

食稻

孟秋天子  
食稻與魚

魚蘘

鮮

魚蘘  
乾魚

商胙

祭廟蘘魚曰商  
祭鮮魚曰胙祭

河魴

詩豈其食魚  
必河之魴

澤

鯢尺澤之鯢  
豈量江海

在鼎

文在鼎之魚  
期于焦爛

溉釜

誰能烹魚  
溉之釜鬻

彈缺歌

馮驩彈缺歌歸  
來兮食無魚

寘劍進

吳世家公子光享王  
僚專諸寘劍于魚中

以進之遂抽  
劍刺王僚

趙盾殮

公羊趙盾  
食魚殮

子產畜


子孟

增金



鼎宋祁筆記金鼎之貴魚不求烹也

銀絲鱠杜甫詩鮮鱠銀絲鱠



御定淵鑑類函卷四百四十二